



Gradonačelnik
Hercegovačko-neretvanska županija Hercegovačko-neretvanski kanton
Federacija Bosne i Hercegovine
Bosna i Hercegovina

Broj: 02-11-15340/21-14
Mostar, 17.03.2022.godine

Na osnovu člana 69. stav (2) tačka d), člana 70. stav 1., 4. i 6 Zakona o javnim nabavkama („Službeni glasnik BiH“ broj 39/14) (Zakon) i člana 43. Statuta Grada Mostara („Gradski službeni glasnik Grada Mostara“ broj: 4/04, „Službeni glasnik Grada Mostara“ broj: 8/09 i 15/10), gradonačelnik Grada Mostara je donio

ODLUKU

o poništenju postupka javne nabavke

vatrogasne autocisterne

Član 1.

- (1) **Predmet javne nabavke** (u daljem tekstu: nabavka): Javna nabavka vatrogasne autocisterne.
- (2) **Redni broj nabavke:** robe 04-20/21.
- (3) **Oznaka iz JRJN:** 34144210-3.

Član 2.

- (1) **Procijenjena vrijednost nabavke:** 580.000KM (bez PDV-a).
- (2) **Izvor finansiranja:** Sredstva u Budžetu/Proračunu Grada Mostara za 2021. godinu ek. kod 821000 stavka „nabavka opreme za vatrogasnu djelatnost“.

Član 3.

- (1) **Razlog poništenja:** Nijedna od primljenih ponuda nije prihvatljiva (član 69. stav (2) tačka d) Zakona).

Član 4.

- (1) **Objava:** Odluka će se objaviti na web-stranici www.mostar.ba istovremeno sa upućivanjem ponuđačima koji su učestvovali u postupku javne nabavke.

Obrazloženje

Postupak javne nabavke vatrogasnih autocisterni pokrenut je Odlukom o pokretanju postupka javne nabavke broj: 02-11-15340/21 od 02.11.2021. godine.

Javna nabavka je sprovedena otvorenim postupkom.

Procijenjena vrijednost javne nabavke 580.000KM (bez PDV-a).

Obavještenje o nabavci broj: 1059-1-1-55-3-73/21 objavljeno na PJN dana 05.11.2021. godine („Službeni glasnik BiH“ broj 69/21).

Komisija za javnu nabavku imenovana je Odlukom broj: 02-11-15340/21-1 od 02.11.2021. godine.

Javno otvaranje ponuda je izvršeno dana 31.01.2022.godine u 10,30 sati.

Nije bilo neblagovremeno dostavljenih ponuda.



Shodno Zapisniku o otvaranju ponuda dostavljene su 3 (tri) ponude:

1. „MGS Grupa“ d.o.o. Kraljevica
sa ponuđenom cijenom od 627.909,00KM
PDV (17%) od 0,00KM
Ukupna cijena 627.909,00KM
Rok isporuke: 400 dana
2. „Pastor M“ d.o.o. Mostar i
„Flammifer“ d.o.o. Ozalj
sa ponuđenom cijenom od 705.272,29KM
PDV (17%) od 119.896,29KM
Ukupna cijena 825.168,59KM
Rok isporuke: 270 dana
3. „Rosenbauer“ d.o.o. Gornja Radgona i
„Valir“ d.o.o. Mostar
sa ponuđenom cijenom od 880.431,60KM
PDV (17%) od 149.673,38KM
Ukupna cijena 1.030.104,98KM
Rok isporuke: 210 dana

Izvršenim pregledom dostavljenih ponuda, u smislu provjere dostavljanja svih dokaza zahtijevanih tenderskom dokumentacijom, kao i provjerom sadržaja i validnosti iste, utvrđeno je sljedeće:

- Ponuda broj 1 ponuđača „MGS Grupa“ d.o.o. Kraljevica

U tenderskoj dokumentaciji tačka 13.2. je naznačeno:

„13.2.1. „Što se tiče ekonomske i finansijske sposobnosti, u skladu sa članom 47. Zakona, ponuda će biti odbačena ako su transakcijski računi ponuđača blokirani u zadnjih 6 (šest) mjeseci.“.

13.2.2. Ocjena ekonomskog i finansijskog stanja ponuđača će se izvršiti na osnovu dostavljene Izjave ovjerene od strane ponuđača, koja se dostavlja u formi utvrđenoj u Aneksu 4 tenderske dokumentacije i dostavljene obične kopije sljedećeg dokumenta:

- Potvrda Centralne banke BiH o otvorenim poslovnim računima ponuđača i potvrde svih banaka kod kojih ponuđač ima račune kojima se dokazuje da nijedan od tih računa nije blokirani u zadnjih 6 (šest) mjeseci.

Ponuđač čija ponuda bude izabrana kao najpovoljnija, dužan je u roku ne dužem od **5 (pet) dana od dana prijema obavještenje o rezultatima postupka nabavke**, dostaviti original ili ovjerenu kopiju zahtijevanih dokaza o ekonomskoj i finansijskoj sposobnosti.“.

Uvidom u ponudu utvrđeno je da je ponuđač dostavio samo Izjavu ovjerenu od strane ponuđača o ispunjenosti uslova iz člana 47. Zakona (Aneks 4) (stranica 15/79 Ponude), ali nije dostavio dokaze da nijedan od otvorenih poslovnih računa nije blokirani u zadnjih 6 (šest) mjeseci.

U tenderskoj dokumentaciji tačka 13.3.2. c) x. traženo je da :

„Ponuđač dostavlja za svaku stavku iz tehničke dokumentacije ugovornog organa, u cilju potvrde da su ponuđene robe jasno identificirane po referencama, u skladu sa specifikacijama ili standardima, sljedeće:

- precizan opis tehničkih karakteristika roba koje nudi
- fotografije roba koje se nude čiju autentičnost mora ovjeriti ponuđač,
- tehničku dokumentaciju, kataloge i drugi štampani materijali ili važne informacije koje se odnose na predmetnu nabavku.“.

Od svega traženog, ponuđač je dostavio samo fotografije, opis tehničkih karakteristika, dokumentaciju i kataloge za šasiju.

Cijeneći naprijed navedeno, utvrđeno je da u ovoj ponudi nisu dostavljeni potpuni dokazi o ispunjavanju uslova iz člana 47. i 49. Zakona, te se **ponuda odbacuje** u smislu odredbe člana 68. stav (1) i stav(4) tačka i) Zakona.

- **Ponuda broj 2 grupe ponuđača „Pastor M“ d.o.o. Mostar i „Flammifer“ d.o.o. Ozalj**

U tenderskoj dokumentaciji, kao dokaz tehničke i profesionalne sposobnosti ponuđača, tačkom 13.3.2.c) i. traženo je da se dostavi

- i. „Izjava ponuđača (potpisana i ovjerena od strane ovlaštene osobe) da će osigurati servis tehnički opremljen i kadrovski osposobljen,

Popis ovlaštenih servisa proizvođača podvozja ili njegovog ovlaštenog zastupnika koje Ponuđač ima na raspolaganju. Popis mora sadržavati naziv i adresu, te ime, telefonski broj i e-mail adresu kontakt osobe za svaki navedeni servis, navod da su servis ili servisi navedeni u popisu ovlašteni za održavanje ponuđene marke vozila – podvozja, te potpis ovlaštene osobe proizvođača podvozja ili njegovog ovlaštenog zastupnika.

Popis ovlaštenih servisa proizvođača nadogradnje ili njegovog ovlaštenog zastupnika koje Ponuđač ima na raspolaganju. Popis mora sadržavati naziv i adresu, te ime, telefonski broj i e-mail adresu kontakt osobe za svaki navedeni servis, izjavu da su servis ili servisi navedeni u popisu ovlašteni za održavanje ponuđene nadogradnje te potpis ovlaštene osobe proizvođača nadogradnje s pumpom ili njegovog ovlaštenog zastupnika.

Ugovorni organ je ograničio lokaciju ovlaštenih servisa na područje BiH iz razloga racionalizacije ukupnih troškova – troškova vremena odvoza i dovoza vozila na servis i sa servisa, kao i troškove energenta (goriva), troškove dnevnica osoblja, osiguranja visoke razine dostupnosti servisne usluge kao i maksimalnog prioriteta za servisiranje i popravke vozila.“.

Uvidom u ponudu utvrđeno je da je među dokazima za ovu tačku tenderske dokumentacije dostavljen Popis ovlaštenih servisa za podvozje (stranica 107. Ponude) potpisan i ovjeren od strane ponuđača „Pastor M“ d.o.o. Mostar, a koji nije potpisan od strane ovlaštene osobe proizvođača podvozja ili njegovog ovlaštenog zastupnika.

Cijeneći naprijed navedeno, utvrđeno je da u ovoj ponudi nisu dostavljeni prihvatljivi dokazi o tehničkoj i profesionalnoj sposobnosti ponuđača (člana 49. Zakona), ponuđači nemaju kvalifikacije koje zadovoljavaju uslove utvrđene tenderskom dokumentacijom, ponuda **nije prihvatljiva** i ne može biti predmet daljeg postupka.

- **Ponuda broj 3 grupe ponuđača „Rosenbauer“ d.o.o. Gornja Radgona i „Valir“ d.o.o. Mostar**

U tenderskoj dokumentaciji tačkom 13.3.2.c) ii., iii., iv. i v. traženo je od ponuđača:

- ii. Kompjuterski tehnički crtež ovjeren i potpisan od strane ovlaštene osobe, koji sadrži proračun masa i opterećenja cisterni za vodu (vozilo ne smije biti preopterećeno),
iii. Kompjuterski tehnički crteži i projekcije tehničkih rješenja nadogradnje,
iv. Kompjuterski tehnički crtež vozila s vidljivim mjerama vozila, dužina, širina, visina, dolazni i odlazni kutovi, međuosovinski razmak,
v. Kompjuterski tehnički crtež i opis rasporeda slaganja opreme, za svaki boks posebno,

Uvidom u ponudu utvrđeno je da je dostavljen samo jedan crtež (stranica 135. Ponude) koji je nejasan, nečitak i nije na jednom od službenih jezika u BiH.

U Obrascu tehničkih specifikacija za nabavku vatrogasnih vozila-autocisterne, dio spremnik za vodu traženo je:

Spremnik za vodu mora imati certifikat za prijevoz pitke vode. Ponuditelj dostavlja kopiju certifikata u ponudi.

Certifikat za prijevoz pitke vode koji je dostavio Ponuđač (stranica 249-255 Ponude) nije dostavljen na jednom od službenih jezika u BiH kako je traženo u TD (PODACI O PONUDI 14. Sadržaj ponude i način pripreme ponude.)

U Obrascu tehničkih specifikacija za nabavku vatrogasnih vozila-autocisterne

Ponuđač je upisivao ponuđene vrijednosti koje ne odgovaraju traženim podacima za stavke

- Ukupna dužina vozila bez nadogradnje (str.19. Ponude)
- Zadnji prepust vozila bez nadogradnje (str.19. Ponude)
- Ručni mjenjač min 6+1 brzina (str.20. Ponude)
- Noseća konstrukcija nadogradnje izrađena od al profila spojenih varenjem (str.22 Ponude)

U Obrascu tehničkih specifikacija za nabavku vatrogasnih vozila-autocisterne

Za tehničke specifikacije koje sadrže oznake minimalno/ili maksimalno, ili neku drugu oznaku raspona- stavke , Ponuđač u kolone „upisati ponuđeno“ nije upisivao točno one karakteristike koje nudi za stavke

Strana 23.-27. Ponude

- Na vitlu s desne strane nalazi se minimalno 100 m VT cijevi promjera 19 mm i VT mlaznica. Mlaznica je s regulacijom protoka i vrstom mlaza (puni-raspršeni-magla).
- Spremnik za vodu kapaciteta min. 5000 l.
- Na gornjoj strani, spremnik mora imati odgovarajući inspekciji/revizioni otvor za unutrašnjost minimalno Ø 450 mm, u slučaju popravaka. Inspekciji/revizioni otvor mora biti prohodan i u istoj liniji krova, bez izbočina i mogućnosti zapinjanja za isti prilikom hodanja krovom.
- Spremnik za vodu mora imati certifikat za prijevoz pitke vode. Ponuditelj predstavlja kopiju certifikata u ponudi.
- Rasyjeta okoline vozila provodi se s 3 LED reflektora minimalno 1000 lum/kom na svakoj strani (lijevo i desno) karoserije i dva reflektora minimalno 1000 lum/kom na stražnjoj strani.
- Vozilo mora imati zvučni signalni uređaj sa mogućnošću izbora više tonova, a pripadajući zvučnik snage minimalno 100W/24V ugrađuje na krovu vozila ili u motornom prostoru.
- Naprtnjača 25 l, masa maksimalno 2,6 kg, duljina prskanja u punog mlaza je minimalno 9 metara – 4 kom.
- Tlačna cijev B, Ø 75 mm, duljine 15 m sa kovanim spojnicama. Vanjski sloj cijevi izrađen od poliesterske pređe ili sličnog materijala. Cijev je iznutra obložena materijalom kao "EPDM sintetskom gumom" ili sličnim materijalom. Radni tlak cijevi minimalno 25 bara, tlak rasprskavanja minimalno 50 bara. DIN14811 – 2 kom.
- Tlačna cijev C, Ø 52 mm, duljine 15 m sa kovanim spojnicama. Vanjski sloj cijevi izrađen od poliesterske pređe ili sličnog materijala, cijev je iznutra obložena materijalom kao "EPDM sintetskom gumom" ili sličnim materijalom. Radni tlak cijevi minimalno 25 bara, tlak rasprskavanja minimalno 50 bara. DIN14811 – 6 kom.
- Tlačna cijev D, Ø 25 mm, duljine 15 m sa kovanim spojnicama. Vanjski sloj cijevi izrađen od poliesterske pređe ili sličnog materijala, cijev je iznutra obložena materijalom kao "EPDM sintetskom gumom" ili sličnim materijalom. Radni tlak cijevi minimalno 25 bara, tlak rasprskavanja minimalno 50 bara. DIN14811 – 6 kom.
- Turbo mlaznica C - Izrađena od aluminijske slitine. Vrsta mlaza: puni, raspršeni i zaštitni mlaz, uz mogućnost promjene protoka vode. Minimalno mogućnost protoka vode u 4 stupnja od minimalno 100 l/min do minimalna 360 l/min. Domet punog mlaza minimalno 40 m, a raspršenog minimalno 10 m. – 2 kom.
- Turbo mlaznica D s regulacijom protoka (minimalno 30/80/130 l/min) i regulacijom mlaza (puni, raspršeni, vodena magla) - 2 kom.
- Garantni rok na podvozje: min. 24 mjeseca

- Garantni rok na nadogradnju sa svim električnim instalacijama uključujući svjetlosnu i zvučnu signalizaciju: min. 24 mjeseca
- Spremnik vode: min. 60 mjeseci
- Vatrogasna pumpa: min 24 mjeseca

Cijeneći navedeno utvrđeno je da se naprijed navedeni dokazi ne mogu smatrati prihvatljivim za tehničku i profesionalnu sposobnost, kao prihvatljivi dokazi o ispunjenosti traženih tehničkih karakteristika predmeta nabavke (član 49. Zakona), ponuđači nemaju kvalifikacije koje zadovoljavaju uslove utvrđene tenderskom dokumentacijom, ponuda **nije prihvatljiva** i ne može biti predmet daljeg postupka.

Izvršenim pregledom ponuda utvrđeno je da nijedna od primljenih ponuda nije prihvatljiva, čime su se stekli uslovi za poništenje postupka javne nabavke.

Na osnovu navedenog, primjenom člana 69. stav (2) tačka d) Zakona, odlučeno je kao u dispozitivu ove odluke.

Pouka o pravnom lijeku: Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.



Gradonačelnik

Mario Kordić

Dostaviti:

1. Svim ponuđačima
2. Služba za budžet i finansije
3. Tajništvo gradonačelnika/objava na web-stranici
4. u spis
5. a/a